

turbent: Neque enim vlla tam demens
aut superstitiosa anicula vsquam terra-
rum viuit, quæ hac vanitate moueretur, si
semper falsa & nunquam fortuito casu
vera somnia deprehendisset, obseruatio
humana. Nunc paucis verbis persuasum
est, ut omnibus crederetur, cum potius ex
multis falsis persuaderi debuerit ne cui
fides esset. Mira res dictu, cum in reliquis
actibus mortaliuum, vnicum mendacium
multis veris suspicionem falsitatis affe-
rat, somnus solus est, cuius vnum idque
temerarium atque fortuitum verum, in-
numeris mendaciis fidem querit, eoque
mirabilior, quia ad hoc ipsum rarum,
verum inter crebra mendacia internos-
cendum, nulla fert via, nulla nota est,
nisi post eventum: Sed de hoc satis ab
initio dictum est. Ad ordinem reuertor,
quod supereft verorum somniorum con-
iecturis.

AMILCAR.

DVx Carthaginis Amilcar, Syracusas
obsidens, in somniis audire visus e-
rat, se postridie intra obsecræ vrbis mœ-
nia cœnaturum: Ea re ad victoriæ spem
reflexa, mane alacris ad oppugnandam
vrbem instruebat aciem: Talia voluenti

z. iij.